




REPUBLICA E KOSOVES / REPUBLIKA KOSOVA / PUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORRUPCIJE ANTI-CORRUPTION AGENCY	
Dep.	Nr Prot.
Dep. 2-D/DPK	Br Prot. 01-4632/A2
Dep.	Prot No
Nr. llog.	Data
Broj. stranica 02	Datum 27.12.2012
Nr. pages	Dat



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 të Ligjit nr. 03/L-159 për Agjencinë kundër Korrupsionit, nenin 18 paragrafi 4, 8 dhe 12 të Ligjit Nr. 04/L-051 për Parandalimin e Konfliktit të Interesit në Ushtrimin e Funkcionit Publik, si dhe nenin 26 të Rregullores së Punës të Agjencisë kundër Korrupsionit, Drejtori i Agjencisë kundër Korrupsionit me datë 27.12.2012, nxjerr këtë:

V E N D I M

- I. Ekziston konflikti i interesit** në rastin nr. AKK-03-4778/11, për z. **Petrit Selimi** – Zavendës Ministër në Qeverinë e Kosovës.
- II.** Agjencia do të kërkoj fillimin e Procedurës për Kundërvajtje nga Gjykata kompetente.
- III.** Të gjitha vendimet që i nxjerr Agjencia lidhur me konfliktin e interesit bëhen publike në ueb faqen zyrtare të Agjencisë.

A r s y e t i m

I. Bazuar në Ligjin për Parandalimin e Konfliktit të Interesit në Ushtrimin e Funkcionit Publik nr. 04/L-051, neni 18 paragrafi 1 dhe 3, si dhe në bazë të Vendimit nr.03-4778/11, është hapur rasti nën dyshimin e bazuar për Konflikt Interesi për zyrtarin e lartë, z.Petrit Selimi – Zavendës Ministër i Punëve të Jashtme në Qeverinë e Republikës së Kosovës.

Me datën 28.02.2012 Zyrtarit të Lartë i është bërë shkresa e parë njoftuese me të cilën Agjencia ka njoftuar atë se ka filluar hetimin lidhur me dyshimin e bazuar për situatën Konflikt Interesi në Ushtrimin e Funkcionit Publik. Pas kësaj shkrese Zyrtari i Lartë është paraqitur në Agjenci, në ballafaqimin e fakteve, në takim me zyrtarët e Agjencisë.

Në këtë takim është konstatuar me prova zyrtare të marra nga ARBK-ja, se Zyrtari i Lartë, Petrit Selimi është bashkëpronar në dy biznese të ndryshme; “Surf L.L.C. sh.p.k., “Smart Consulting” sh.p.k., ndërsa në situatë Konflikt interesi me funksionin e tij publik si Zavendës Ministër i

Punëve të jashtme në Qeverinë e Kosovës, e sjell funksioni i tij si një nga personat e autorizuar të po këtyre dy bizneseve të përmendura.

Zyrtari i Lartë në këtë takim është këshilluar nga Zyrtaret e Agjencisë për mënyren se si duhet parandaluar dhe shmangur situatën e konfliktit të interesit.

Edhe përkundër afatit të dhënë ligjor nga Agjencia, Zyrtari i Lartë nuk ka ndërmarr asnjë veprim që të parandaloj dhe të shmangë këtë situatë, prandaj me datën 05.09.2012, i është bërë shkresa e dytë që quhet "Njoftim paralajmërues" me të cilën nga Zyrtari i Lartë është kërkuar që brenda afatit të dhënë ligjor të ndryshoi këtë gjendje.

Pas shkresës sonë të dytë Zyrtari i Lartë, z.Selim, ka kthyer një shkresë zyrtare Agjencisë (DPK/DPKI 03-4173/12) në të cilën ka premtuar se, brenda afatit të shkurtë do të bëjë ndryshimet e nevojshme.

Por, me pastaj z.Selimi nuk është përgjegjuar me asnjë veprim konkret të bërë, për të ndryshuar situatën me konflikt interesi, në ushtrimin e funksionit të tij publik.

II. Sipas Ligjit për Parandalimin e Konfliktit të Interesit në Ushtrimin e Funksionit Publik (Nr.04/L-051) Neni 20, pika 1, "*Çdo shkelje e detyrimeve të përcaktuara me këtë ligj, kur nuk paraqet veprë penale, paraqet kundërvajtje dhe dënohet me gjobë sipas kufijve të përcaktuar në paragrafin 1.1, 1.2 dhe 1.3*".

Sipas Nenit 20 pika 2, "*Për shkelje të detyrimeve të përcaktuara me këtë ligj, zyrtarit të lartë publik, udhëheqësit apo drejtuesit të institucionit udhëheqës, përveç dënimit gjykatë mund t'i shqiptoj edhe masën mbrojtëse; ndalimi i ushtrimit të funksionit publik në kohëzgjatje prej tre (3) muaj deri në një (1) vit*".

III. Sipas Nenit 18 paragrafi 12, të gjitha Vendimet që i nxjerr Agjencia lidhur me konfliktin e interesit bëhen publike në web faqen zyrtare të Agjencisë.

Andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Drejtor i Agjencisë kundër Korrupsionit

/ Hasan Preteni /

